

荀

河

詩

集

笥河詩集卷七

大興朱筠竹君

辛卯

書祝芷塘編修接葉亭卷後

前輩懷清公掌院事初攝文光果詩奏宸什和密葉黃  
公序其集清絕心所愜曰卉木竹石所居勝洛鄴嘗自  
咏齋中五十二首捷大椿歌頻見嘉樹筆亦涉感嘆傳  
中丞宰木隔郊堞四十年儵去彈指不堪捻又云徐氏  
園壬癸遊逐蝶歲六十重居舍旁新拓輒如何華屋處  
零落又在隄人傳爛麴衡卽公跡所躡後來張簷事憩

吟髯如鬣實愛著六咏一亭笛更擬此皆故老談吾目  
見猶疊松江張氏住花樹手整攔地古山精藏黑夜人  
卧麗妙正真人符驅之行蹀躞擲繩空中步姍姍露珠  
祓久之亦絕怪懍慌疑電曷少選查太守丁香春捲絕  
時從粵西歸葉唱簷低接工詩趙舍人拈鬚坐妥帖我  
來此數數傳舍嗟嚚所閱誠已多幾送五都俠早歲  
翰林祝渺焉停屐屨湖山繼前輩香草此爭拾儼然作  
主人入室繞蹊蹠綠萸曉猗難紅葩午狎獵不見年年  
葉秋風飛跼跼黃殞一夕下布地堆白氎昔人往我來  
飄送月日莢代起喻井椀節應擬海蚶今胡不爲樂客

至酒盈騰鬪碁瓦影斜呼畫壁紙淡醉畢屨已膠髭王  
腕不怯解衣顧磅礪意匠費調燮放筆卽佳話接葉圖  
在篋翰林美丰儀潘衛見還懾主瑞先生客詎讓白哲  
頰圖成得寫意蕭散隱領裕他時開卷幅空韻想衣褶  
煙雲忽無端良會殊鵝鰈翰林移居去東鄰謝舊業王  
住畢行行分陝山之俠迢迢查與趙西南邈天脅此圖  
又何常過眼吹浩劫明德古云崇托跡行無路其人玉  
不磷斯卷石得歛勉矣賦此亭鴻爪雪雪偶貼

辛卯八月十五日陪祀夕月壇同曹鴻臚慕堂同  
年過白雲觀偶成律句奉柬

斜日祠官夕月時沿郊古觀漫招携宵分恰應中秋節  
歲紀還書在卯支花筆獨陰葭色老鴻班相送鴈聲遲  
吾徒官暇堪爲樂只欠齋期杯不持

出古北口

古北城邊冷照紅深秋不覺腋狐豐羣峯列鐔干刀拔  
雙壁容騎一步通射虎將軍弓力邈換魚狂客酒情融  
歸來畧欲江南住且上高巔壯朔風

蘭溝宿劉氏村舍簡郭侍讀塞山之作

柳黃過半暗官衙暮走猶疑塞外孤漏欲催時月未上  
渡頻喚處火全無村居人許車聊稅榻所天容茵對鋪

濫世妄思渾作麼茲宵清話合吾徒

偶然亦作戀桑情風味真淳見古氓犬吠旋暗知客穩

馬餐爭噴喜途平別懷忽繞山千疊

謂崆山滇南之行

睡思逾

清月四更他日歸來期決計一灣水樹畢粗生

題寶坻芮副貢

熊占

春窻課子圖

春光養人心欲間草木生發庭階前先生窮經經一編  
呼兒口授師讀專漢初老儒秘不傳低聲尋義天得全  
可以獲壽盡厥年世世安學心遊春此樂不以道外人  
被之圖畫態益妍何爲更問桃花津憶余識君在卯寅  
通路古泉數往還儻忽三十年風翻君壯我少今豈然

蕭蕭高鶴忽來鶯，豪氣尙在精神存。我未頭白翁意嫻，  
年年送春九道塵。不如子早賦歸田，澤雉聽鷺王睢關。  
眼前文采春娟娟，方宅十畝子候門。所業不復有司患，  
鄉里高隱子行完。我今方上江南船，對子感嘆睇燕山。

拜墓

朱旆飛山外

天書駐嶺根，蘆溝南十里。楊月上孤村，告墓難言去。趣  
程有限存月明，松柏影他日戀吾魂。

祖德猶能述父書，竊恐荒獲從文字。役敢或敬恭，忘再  
世全乎厚。三年留要芳，佑予罔隕越。涕飲奠卮旁。

長陽店

山山廿里吟良鄉此地初名小廣陽馮異竟輸耿弇去

清風大樹夾途長

後漢耿弇追賊至小廣陽卽此

新羅降戶總章收又處降奚歸義州他日東奔史朝義

驚沙猶起塞邊愁

總章中置歸義州於此開元中處降奚上元中史朝義自歸義東奔廣陽

歸義卽此而所奔之廣陽則今密雲之慶昇舊縣也

固節驛懷古

鐵騎漁陽此地鞍開元遺事話誰能稗官浪紀楊無敵

此間有昊天塔俗說楊六郎盜骨處

寶塔空諛張不矜

史思明寶塔頌張不矜撰在京師法

源一驛到今全節在幾年自古異聞承

固節之名蔚宗前已有故云



客來風逐沙俱走莫是當初義憤騰

是日大風

秋老燕門落葉忙西山青色照人光輕身自分僵金谷

苦語仍聞活葛王偶爾地名人稱實何嫌物穢我逾芳

海陵諸巖紛同傳猶剩清流出廣陽

良鄉有聖水出廣陽郡見水經注此

水至今清絕

### 先鋒坡

挾活河水十里過五里望見湖良河風吹塵起且上上  
飛輿直到先鋒坡金時完顏合住將監軍曰阿興鬆哥  
北援中都兵一萬糧車五百推夫多蒙古用兵號勇決  
以少擊衆勢影擊石抹明安三千騎坡間頃刻鬆哥獲

合住跳去輜重留人命如雞天雨血嗚呼運興則捷敗  
則迂我欲狂歌擬老鐵

涿州道中

凹字城

十丈颺掀黃土坡一椽驛館晷騰梭會須顛瑣城凹字  
漫說軒轅戰涿阿平世駝羅早罷戍

遂宋間駝羅口在州東北細流

挾活動成河日寒柳脫馳官道祇覺洪荒古意多

華陽臺

城隅西北華陽臺鎮日猶吹燕國灰名馬骨存金餅擲  
美人手好玉盤來苦心竟就函頭計恨事空餘生角哀

易水蕭蕭風莫渡問誰置酒罰深杯

盧植墓

扶風經學授康成別有盧君得更精弟子終能蜀國王  
先生早與董公爭周身單帛仍埋骨遺掾清醪漫辱名  
後日紛紛祖勗偃勗爲南祖一官未覺北方榮遷爲北祖

酈道元宅

鄉驛剛違一日零樓桑邨近指酈亭故居尙可稽道縣  
地理志涿郡道縣絕業偏能重水經狀景妙於謝客蛤  
久廢酈注云酈亭搜奇博比寶攸誕卧遊幾卷珍行篋過此逾思地氣靈

南臯店

平川潦忽乾古柳掛微葉行行南臯店初日好溫曆荒  
祠渺何處仙人去已捷浮游薊趙間二百年過轍一朝  
騎鯉來潑刺金赤蠹坐祠萬人觀入涿水不涉遺跡訖  
曰臯靈名蠹尙讐朔風凋我顏髮白恐難鑷人生朱塵  
中不化行相接長年悲有涯吾生詎易攝感茲仙人往  
思欲翅雙挾自笑何不達兩曜亦轉睫吾行適吾天無  
爲喜見獵

樓桑舖

南臯村五里樓桑舖北邊蜀漢昭烈帝此間誕厥身兒  
戲大桑下羽葆妄言尊後來竟分鼎流俗譁以喧明人

著之書云千五百年樹老橫畝壓樁大饒夫吞計偕走  
京師曰益重重雲我來無所見伐刈惟空村乃知神靈  
佑早非其本根人興木豔苗時過跡棘榛但餘路旁埃  
盜名古偉人我行過沛蕭地積高光塵固知雞與犬不  
識當時門

三家店口占

如雲蹤跡任天行塞北都南月忽更纔兩間房紅葉老  
又三家店碧醪清客詩疥壁箴行役

壁題有諷  
衡文之語

鄉樹遮

途濶友生滾滾米塵推我去鬢頤自問白將成

衣錦店

衣錦之新城其行僅十里昔有元貴人歸來畫錦擬西  
北駐蹕鋪英宗蹕至止俗曰高密店高碑見歸歸不知  
何時仆碑逃存蟲鼠頭腹若崩山脊穴橫雨洗卧此幾  
百年兒童當綠駟誰歟偏工媚大官事礪砥購材燕山  
高道邊石孔庠忽去蟲鼠窺一彼方一此大索召野氓  
掘地出穴蟻公然有石埋大石可尺咫其上蒙古文哦  
之但齟齬送與章嘉師其文拜住是元明善所撰蘇氏  
文類紀大官了不知拜住狀何似翻視陰具存讀訖亦  
不理沙石磨刻畫破石分四體嘻哉蕭氏名備載於元  
史何爲束不觀碑斷更不恥好古錢學士

謂幸

艱難拓

一紙庶幾金石錄一髮存殤子百物有奇厄此特其一  
耳偶來弔故宅感嘆不能已

白溝河

巨馬出涑山下與督亢交湯湯新城南白溝界宋遼嘉  
祐漁禁捕慶厯柳拔條辛苦熙寧後方田限馬驕安撫  
王公臨謀之亦已勞國蹙真可憐水保嗟無聊於今畿  
輔地過客杭一舸沙莽夜無人隱約古斷橋想當歲賂  
日多壘當如毛往復與平陂地險空嘈嘈無爲浪弔古  
去卽舟子招

建文二年夏燕師度此來平將軍設伏相持蚌鵝挨收

兵合李胡夜戰久一開洸洸六十萬蹙彼三騎迴王耶  
迷失道伏地將卽埋睇流東西經辨營上下排倉卒走  
不死天意真難猜支者不可壞所支何爲哉我行經戰  
處十月月皚皚齊黃謀骨肉方練抄根荻此役繫不小  
彼忠吁可哀來者嘆英傑去者吹塵灰

瓦橋關

趙家邊計鄭瀛間瓦濟橋傾水自潺賞蓼風流悲六宅  
病龍意氣壯三關誰收唐代燕雲地空對雄州大小山  
衰柳寒鴉今視昔歐公更不苦思還

歐陽公詩古祠衰柳聚寒鴉駐馬城

邊日影斜猶去西樓三十里行人到此莫思家



雄縣用張綱孫韻

輕颺響空林紅葉無一片因山名雄州取水號易縣去  
鄉纔三日升輿忘百倦吾生喜登眺懷古思爛漫燕趙  
中間合遼宋當面斷藝祖挿榆柳何使握泊岸伐枚恐  
張塵溽馬計取爛自從拔籬藩不復亂鵝鶴譬如農家  
流子孫失厥畔零落西南偏空富魚與雁

扁鵲祠

扁鵲魏祠在論醫欲小心無恒安可作不治恐將深靈  
藥盤羞蓀空城巫奏音遺篇八十一發難孰推尋

無稽起死說末俗漫矜竒垂柳聊生肘長桑自飲池須

知百孔病邨得十全師庭樹年年活開子勿藥思

蘭相如冢

長風生林一虎吼趙王鼓瑟秦王缶猛虎曳尾毛羣過  
相如今日逃廉頗咸陽殿上九賓設連城之壁霹靂掣  
此時君臣睜相顧輸爾一腔頭血熱丈夫當事氣要伸  
一士亦可旁無人蕭蕭壠中埋骨貴餘頭豈堪璧俱碎

韓嬰墓

太傅本燕人說殊齊魯教推意傳萬言往往成獨造笑  
斯作閹宮體與吉甫較竈醜及戚施爾雅釋訓拗解字  
許慎取注選李善倣所得過固培不獨布燕趙徒衆盛

髮福孫裔餘待詔惜其書不存舉世二毛好別有外傳  
傳我小寶逾瑄出先秦諸子其文逸轉峭異事辭有間  
聞見益博浩清揚先生贈晨風太子導登車三廢勵觀  
水五德旨接輿轍何深顏闔御未巧讀之良可憲百家  
罕能肖檀弓用簡鍊穀梁得疾剽考工取物精儲說摘  
事要此皆有獨絕庶幾可同調漢興陸賈作兩以新自  
號中間敖二劉先登拔一燾武帝時論前董子不能謙  
及爲文景官諸老見其少惜哉漢儒學表彰未極到遺  
冢在鄭縣樂史記可校汨汨九河尾樹雜野橫潦何處  
間殘碣作詩致遠弔

毛萇宅

一家傳定後三氏說分初地僻毛精墨

地名

功高孔壁書

雪霏瀛廣外禾納月良餘羣雅於焉酌詩經村未墟

劉長卿故里

幾灣城抱翠寒流忽憶貞元進士劉自作五言成絕壑  
誰能一字道隨州甫同犬子橋頻過名敵錢郎集獨留  
愛重真如翻水出欲將此趣對滄州

張署墓

三尺功曹古墓基當年出入共昌黎虎來矇去官終蹇  
蛟沒颺號詩益奇湘水行迷新謫地李花卧落舊店時

壙中銘字應完好何處爲題絕妙詞

家鉉翁館

宋室僉書元繫臣海濱東望失閩津泣庭別對傳經客  
書帛全無得信人死者疊文同不媿邑中軾轍此堪親  
弔公剛過陶籬候三復當年賜號真

不屈放還  
賜號處士

瀛臺

元劉因以爲馮  
瀛王吟詩臺

老柳離披官道迴瀛王何事有詩臺貴人故冊園遺兔  
公子新聲殿繞雷遙嶺全消雲失岫濫泉隨出草沿隈  
此間偏欲尋長樂試把靡他一賦來

瀛臺和高東井韻

人言窟頭穴地來子囚厥父天擊雷誰叅燕軍馮老子  
小喜肩比真輿臺何時冊子亦解讀田夫牧豎教一隈  
孔子同壽共誇說吟詩臺尙河間開我行過此問往跡  
不見茂樹惟枯荄絕響克死所事說徒生見臣於人才  
咄哉景城何其辱一夫閱歷九主回想其進身由宦者  
巡官文學初淹該薦之河東掌書記恥龍領首低以徊  
遂直學士臥藟束戒體不毀美女胎羣帝崩崩我相獨  
宛然石戴土曰鬼事晉事漢等閒事凝頑絕倒天不菑  
佛救不得皇帝救羝喜而北斯言階世宗真龍壓旻卵  
不諫忽諫當浮杯陛下作得山定否其言不驗鳴知哀

七十三死長樂叙謂無廉恥歐陽哈四姓及契丹所得  
階勲官爵嗟榮哉子弟臣司長夫父以國居賈何多財  
間出所有調鄉里驚此土阜千秋昔獨不堪賦君子壽  
南山之臺北山萊

獻縣懷古

齊國餘田宋戰場風流漫數古賢王自從樂壽更隋代  
別有英雄當晉陽術異項劉成漢業生同瑜亮屈周耶  
遺民夏主還能道不把文皇愛字忘

河間獻王陵

河間獻王陵縣東北八十以賢名漢初馬班傳兩入脩

學古獨好求是事有執從民間求書真秘自收拾好寫  
仍與之加以金帛給四方極千里走若蠡起執各出先  
舊書奏之包藻裒以故得書多鄴侯所拾及况古古文  
舊藏者先秦笈周官暨書禮孟老百氏輯又令設博士  
左氏春秋立徵趙人毛公使訓詁古什造次必儒者山  
東儒畢集勇哉耨以講不顧何佹佹來朝獻雅樂三雍  
高拾級詔三十餘事對若注雨汁以此登孔門文學足  
拱揖六藝遭秦裂漢表章未急高祖起酒人通賈始我  
粒文景好清靜黃老沸渠潛孝武帝奮學王爲翼之哉  
被服古冠履流風此焉襲偉哉厥功懋陵左麒麟繫

明萬



歷四十八年縣東尹家屯忽報家牛產麒麟而幾邑進士某買置葬于陵左

世世樵與蘇敢

近此原隰望風謹肅拜載歌告斯邑

單橋

橫橋幾空凌滹沱去獻十里行人過單姓作之名後改  
五節婦伏流寇戈明初燕師靖難至盛庸夾河軍作勢  
步卒左擊騎擣中庸也一麾燕將墜朱能張武再合奇  
日暮酣戰偃皂旗十餘騎來逼野宿穿營吹角嫺威儀  
明復請戰嚴部勒庸軍西南燕東北自辰入未天不風  
飛廉擲沙發天剋咫尺不辨成大奔南風蕭蕭竟不振  
金川門啟此有漸諱殺叔父夫何人宣德元年秋八月

親征高煦此致罰由來兵法固有言日中必熒撻必割  
於今反復局已多當時戰處氣塞河天教一市燕人貴  
盛將軍勇爾奈何

梁子直成趣園用党懷英韻

一鳥遊高空或有忘巢懼茫茫出門行所觸盡岐路道  
旁成趣園對之發我悟金源此高隱空野想花樹名流  
所往來與党學士遇田郭劉崔初人人各分賦地處定  
選佳人來聞卜素底須問柴桑此間妙天趣我欲一求  
索六石邈何處

党懷英田時秀郭安民劉仲傑崔魏初昌紹凡六人

其二

李詩言集 卷一  
獨立古有言隨安故不懼前頭水與山引我清妙路乘  
興何必極昨夢亦已悟昔人盛文讌忽無一石樹天外  
牛馬風吹我陳跡遇不聞梁高士亦作陶家賦未妨來  
送往莫將緇化素趣亦偶然成涉者各得趣聊爲達生  
說請刻茲題處

嵇叔夜琴臺用高達夫韻

客行琴臺下雲濶天寥寥睇懷自往昔不計暮與朝何  
人抱枯桐上上聊相邀終曲起四顧忽失山川遙紛紛  
琴復箏舉世爭沸蜩玉山兀高峙頽然向空霄定知古  
偉達卽此乘清飈廣陵散竟亾感我心搖搖願從披裘

釣思寄求嚶樵無弦聊自撫道在晏一瓢

細柳營

阜城

漢帝軍中按轡行法傳司馬將材成後人獵喜長楊賦

此地威餘細柳營廟近夷齊常苦餓

縣有夷齊廟

獄寃信越

薄留名眼前夾路風林盡不見當初介胄生

劉晝宅

北齊劉子尚遺居下里愁無墳籍餘三百早傳李氏禮

從李寶鼎受三禮

五千去讀宋家書

入都知鄴令宋世家有書五千卷求爲其子博士恣

意披覽

勤應焯掌如韋讀

劉子載有子焯掌事與蘇秦刺股並書皆勸學也他書不載

直竟刊廂可哭疏

晝著金廂警言指時政

高節遺篇兩卓犖鄉人

不把一經鋤

熊安生墓

著述皇劉先後俱禮家樸學六朝腴執其手降真天子  
從以珍榮下大夫官拜露門尊篤老論承虎觀接通儒  
路人猶敬熊君壠漫詔齊坐書帶敷

王秋礪劉豫祖坐詩云尚看書帶草

碧色映堦砌

高頰宅

景州

故封渤海跡寧湮氣局還思英主臣複姓有聞原賜魏  
三軍取斷竟平陳翟陂敗後悲楊柳

頰宅有楊樹數丈望如車蓋有功不

命終蓋宅相也

姐面蒙初失曆人佐命功成知不易老尼枉自

惜驚鱗

董子宅 京州

金國景州隸漢家修縣隈猶餘太傅宅恰對廣川臺卓  
卓醇儒域蕭蕭精舍陔白雲簷外宿素竹几前堆帷下  
長編草園荒早卒萊春秋大義取金木近祥推本指公  
羊守微辭司馬裁衰然舉首出浩爾博聞該高議排金  
闔精言發玉杯吾惟循理樂君自正心開孔子尊成絕  
先王風不頹六經舊物復一札外王才曲阜書能讀展  
禽伐共哀守仁心自信任道力餘恢篤論稱伊呂諧談  
異朔枚未承前席問空遣小邦陪率已驕能抑乘時合

少媒徒聞賦感士不見用良材餘術上祈雨閭咨謹對  
災書幾巫蠱廢命或步舒摧衰鳳悲難致妖狐枉試猜  
固知行拂亂不禁思低徊遠弔馳燕客枯陰擬漢槐周  
葵酒可潔董里奠能來

皇舅墓用元張翥韻

景州

纍纍原上多古墳墳墳耕平皇舅存皇舅墳高耕不倒  
非與耕夫生有恩張翥讀碑題刺史莅官青州戚宛尊  
下錮重泉土上厚石獸逃盡無一蹲輟耕錄傳野讖語  
墓開墓閉波翻原於今秋潦歲亦有墓竟不動連蔓根  
斯人骨朽鬼亦餒聊擁土阜供評論五百載來又誰主

海田反復幾吐吞惜無老梅幾株樹來化翠羽敲墓門

留知廟

西風吹沙虛籟叫客行已過留知廟廟初爲社始思誠  
元禱令來社氓召我過此間去鄉國度越鄣瀛東岱眺  
中間小橋絕流水景德平分二州要社南社北雙小湖  
面目飛塵畧取照升輿七日濶故人回首難爲西向笑  
一從郭門知愛別執手蒼茫會難料就中均弼又魚門  
三爵斟予淚持醕西山偕宿范兼史不顧行行頭忍掉  
蔡生河間道路側絮語商林雁聽嘹此皆平生喻性情  
况有門生各同調連朝作惡成一醉祇覺酸辛攪百竅



骨肉情親倍憐仲多病維摩德祈邵如何踽踽竟獨行  
畏我簡書謹奉

詔今行又盡鄉界南斜日穿窻自倚轎山東尙近故邦  
域忽聽齊言比燕峭江南信美吾所經極北雲端心繚  
繞徘徊岐路小啜茶頃刻全違舊漁釣吾生鳥能不往  
來北飛鳥欲隨而噉自哂無端生繫戀出水飛魚苦相  
背德州聊宿二十程來日隨風去如鶴

鬲縣故城

夏鼎中搖日天心護暝魑旅戍依有鬲社稷寄臣糜水  
涸古津道秋空陽鳥隨眷懷明德遠惟有白雲知

發安德驛將之恩縣

去夏安德驛東行今秋安德驛西去從車長鞭音且馳  
我隔名山若不豫玉皇頂上天一身身到心疑夢耶真  
出都決計重訪得石瀑松雲窮色色今朝馬首指鄒滕  
先賢肅謁猶典型笑謝名山小分手不泣楊朱背公走

甜水舖

憇與甜水舖三十赴恩縣水初苦今甜甘澤民所善此  
問風尚樸比屋失華袂日中呼市集百貨穀麥擅粉養  
與柿實口充難几薦民生食其天備具供一嚙堂堂造  
麪聲行將鄉味戀浮沙馬蹏騰北憎南反羨飄風擊大

空乾響誤波濺少小所習聽入耳心不戰托跡旣多歧  
在念忽屢變我雖懷吾土南遊亦所便渡江颺入細去  
數花信棟

恩縣懷古次東井韻

佛號紛紛豎幟幢妖氛詎易貝州降背纜刺福驚鴟泮  
地忽名恩賦虎江滴淚五龍經幻一繪圖九老社真雙  
欲求忠烈提兵處蒼莽襄田與吸邦

漢高封王吸  
爲侯國於此

郇縣故城

在平原  
縣西南

西南一角驛微衝路入平原問古蹤舊說會增馬武傳  
當年始受呂佗封寒風不動雲凝戰衰柳長垂客聽春

蕭瑟惟餘殘甍外詩思清絕到初冬

腰站店

二十里舍恩腰站又十里平原西南偏十里高唐軌縣之店有四腰站五十止蒲河亦西南三十較此邇直南曰新章里亦五十比東四十水務金史志地里當時北當元四郊方多壘紛紛置店站中擊應首尾於今空名鬲頭角不須恃我行忽到此日未出舒綺問客何匆匆早異太公起肩輿復傳舍獨笑不能已

高唐州

高唐本趙疆邑近勝所分三城割與齊合盧與平原此

皆濟之東隔水送與人孟子稱齊右惠文以後言我來  
弔絛駒不復清音喧但餘枯柳枝響樹驚絕絃流風三  
古變蕩地今何存豈獨雅樂亡靡靡亦非前不聞楚臺  
上寧有宋玉雲

華歆墓

在高唐

漢東名士鼎能留下令黃初雜霸收妄擬武文錫馬夢  
真成揖讓與龍頭揮金割席平生恨賣履分香末路愁  
不盡漳河流魏國亂堆疑塚向殘邱

南鎮留誌王君

會鐸

之意

南鎮州之南州人以鎮名在鎮爲高唐出鎮爲在平館

人請客住進客清茗烹我入安道在

謂戴漁鄉

相見杯一擎

少旋請客食勸客姑留行重主意少坐列盤味斯馨雞  
卵糲以麥佐用脂飴蒸肉餌曰燒賣候火滴醴清食畢  
致主言宿宿此驛亭朝饗既已羅夕膳案又盈我慙口  
腹累主意何丁寧聞主人官此來自萬里瓊家人不與  
偕饌客豐可驚况五日攝事俎代治轉精衝衢供張煩  
及吾由其誠深感主人厚一食異世情壺飧古不忘悃  
悃今難能落木暮鴉叫趣客前行旌作詩告戴子勿謝  
吾方征

魯連村

在在平

魯連本逸才晚世出海濱笑顧天方醉興暴將辱身拱  
手不與國排難而解紛帝秦者誰子何物辛將軍平原  
公子佳局踏駒在轅奮身與之語烹醢嗟駭聞徐徐四  
座聽說竟理自申遂罷秦帝舉長揖辭諸君東海蹈所  
甘故跡猶空村我來問逸事但見鴻鵠翻欲相天下士  
此間大有人皓皓村外月照地無餘秦

馬周故里

貞觀風流繼者稀馬家莊外暮鴉歸在平往日騰鳶上  
登善同時飛鳥依昭近獻遙箴太切暑中涼處諷猶微  
怪他魏褚相隨鬧頗似唐初政日非

劉道人墩

教塲鋪去在平界五里過劉道人墩明明空天廣廣野  
戲作仙語嬉朝噉道人學道道先死墩名道人與之存  
若使道人道真得此墩之土彭聃門請曳墩倒磨靈藥  
刀圭徧活一世吞我行揮手揖墩去死者至樂生者繁

三歸臺

東阿

半壁出東阿三歸瞻道右管實食采斯縣更舊城有臺  
傾但餘碑代古莫問叟脊彼仲父烈不僅桓公友從糾  
嘗射鈎及堂始脫杻初薦由鮑子卒用類犯舅沐進重  
再三坐問名可否生民四鄉恒國穀二分阜制用三耕



畜經邦六職受以禮乃得懷示信在不苟柯盟怒拔劍  
葵會責縮酒君雖賜一級臣敢越二守遂極九合盛用  
佐五霸首問有遺書存頗爲史公取山高義惟峻地員  
文更糅廉耻天維張勢陞土覘剖博與鄭僑競藝畧姬  
公負異物委蛇識荒說云亭叩餘憾朱楹侈微遭白水  
咎此亦龍服魚非比石襲琇惜死留寺才悔生縱朝婦  
雖然補石畫終是相木偶才大風表海器小吉盈缶樂  
生書燕國葛公吟漢畝遙遙名則齊落落人不朽天下  
如有意古來幾得手三歸傳論語羣山此奔走晏儉不  
如已跖築烏能久偶過一臺下發論千秋後

魚山

寒燈客舍夢初還去去行輿意自閑十日故園辭鹿驛  
幾生清梵送魚山陳思遷國餘文譙王粲登樓滯水關  
一自萍蓬飄泊後不將儔侶思輕刪

過東阿舊縣弔陳思王用贈白馬王彪七首韻

輶軒問南國覽古遵魏疆東阿昔遺封及此汝水陽我  
行涉清濟倚楫歌河梁悲風從北來送客千里長誰能  
爲七哀月照高樓傷

層嶺隱雉堞暮色一何蒼前行屢曲折但見坡坳橫從  
車深谷底我輿出平岡連林盡十月不見木葉黃

黃葉掃無跡柏徑青青紆迴陵谷改念昔王所居  
巍建安初七子先後俱文章紹蓬萊列仙翔天衢  
王陳與應劉零落日夜疎興言羣雅材百贖嗟踟蹰

踟蹰向廣野此際日何極高天發清籟感我入耳側  
古人知其音死去聲響匿不聞鳴鳥來五采想雙翼  
何以飲更啄狼藉琅玕食子建誰與親念之三歎息

歎息夫何爲往昔情有違車馬頓洛濱麗人翻來歸  
乍失交甫珮請爲素女師霞陽與波蕖顏色安能衰  
日夕羅襪塵行露忽已晞頰怒情若何神光不可追  
惟餘玉枕在零涕何其悲

悲來欲驚神感激詞重陳平生綜文武西南赴強鄰豈  
無他人托不如肺腑親求通復自試詞色真勤勤舉世  
皆謂狂中心由其仁何必擬泰伯斯人足酸辛

酸辛發往思徒倚還狐疑三復白馬篇骨肉言無欺人  
生黯然別今昔誰能持宿止宜異後冀豆相煎時感王  
憂生嗟眷我違鄉期致弔齊魯錯揮毫和遺詞

東平懷古

東平郭外草離離宋邱長埋青石碑藏篋詩書河獻匹  
園橋禮樂漢明時無愁莫誤王官大最樂當思我善爲  
欲乞中都從兩廡幾人名肖又經師

平陵東

平陵東松柏風義公朝出乘蒼龍暮不歸來兮松柏下  
升無屋兮號四野

平陵東風之悲我公不歸兮烹我燕雞詎傷公者夫爲  
誰竈厥聲兮口張嗚以我公甘兮蒼浪天爲公不歸兮  
餓平生犂确平陵兮黃犢鳴火爛爛兮慄虎豹公獲所  
兮莽滅告翩歸來羹醴詔此飲彼食兮有業其廟顧我  
門生兮不戚戚以笑千萬年兮過客弔

滋陽懷古

朱雲

儒生東魯更誰奇，有日囊中自處錐。都講吾知鹿角易，  
佞臣人自馬頭危。血流辛老非私友，藥取蕭生或稱師。  
地以聖人居近掩荒烟，何處覓殘碑。

陳湯

專命行奇古亦稱，郅支斬首氣初騰。鹿奔共倚甘延壽，  
虎穴如探班仲升。劉谷訟寃煩雅引，固昭叙戰快兵徵。  
開邊切莫談容易，當日成功人却能。

獨出宗師澀辨香，山谷依每於轉柁力。不覺綺霞輝  
盤馱行空駿，孤飛決背睇平生。吟亦健矯絕愧難幾。

弟珪坡題

嘉慶辛酉仲春十三子刻病中懸筆

笥河詩集卷七終

笥河詩集卷八

大興朱筠竹

辛卯下

泗水橋

去去兗州城輿出泗水橋四水所合流漣漾風不濤曲  
阜近三十聖人居非遙官驛趣足赴宮牆但首翹側聞  
靈光殿巋然聳赤霄文考所追賦形狀天雲遭訝豁深  
駭人視矐聽聊聊想其壞宅初絲越金清敲聖往神來  
棲跼踏王不驕止捕薨其旁壁地山巍巍零落跡猶壯  
寫者神爲勞廢殿尙若斯何況廟貌高碑版階下列尊



彝戶前交服物祀事留萬世度列朝含生所瞻仰眷之  
悲欲號繞壇水活活流出東魯包元氣入心脾飲者取  
一瓢無爲更問涿滿腹吾已豪

滕縣驛早飯於劉秀才家

白粲新春百遍過館人南近色逾和窗前臘月梅花蘂  
早覺微香沁齒多

牡丹三尺白苞芽不是黃雲定碧霞北地玉樓春見慣  
此間初辨洛陽花

滕縣道中

滕縣前邊鋪軟沙平田微綠麥生芽烟低樹密遮村屋

暢月風疑暖暖加

過去巉巖山色遙向東一抹景堪描  
蕭疎楊柳落餘葉  
間散牛羊斲舊苗

送馬鞏歸蘇州

與子幾年書案凭同行子又同過滕  
詰朝臨城一揮手  
子歸撰杖我節膺我今行陸子舟去  
臺兒莊尙河無冰  
大雪纔過到家早吳山好處來升升  
石湖清清支硯瘦  
琴臺一曲寒雲凝木瀆涇前鄧尉路  
十月梅蘂先舒稜  
色香已覺故園妙扶掖尙有翁同登  
每逢奇秀須酒潤  
鴟夷斜挂書奴勝樹陰傾酌喬更梓  
隨身穩坐陂草芳

卽此色養乃至樂何必強說離憂應昨冬噉齋我嘗歷  
今子往我遊不能間祠別墅子當徧處處憶我回欄憑  
一碑一柱稽古昔不信試問山中僧我今又來子宜住  
竊恐釜米空煩烝明年謀食或訪我大江更約波能凌

嶧縣過匡衡故里

經學鋤來亦可貧保持何物損吾真頗煩七廟新祧議  
曾讀三家古傳人到處解頤談阿鼎此間鑿壁照此隣  
不圖光禹甘同傳故邑山猶峰嶢磷

渡運河之江南界

韓莊粗飯棲茅笆籠傾鄉味河烹茶同行徐生坐臨水

玉樹岸睨風黃葭扁舟輕渡鳥掠水過厓一逕鋪平沙  
汪汪右望巨湖浸作櫃濟運颿船拏湖神祀沂靈有赫  
古蘭陵北坊高加去去兩界一古塚中間長臥看行車  
朽骨不動轍幾改南北生齒增誼譁嗟人老死各有域  
去來來去爭相誇此間況當江山錯下徹泉窠聲如搥  
此君幽獨亦苦鬧我行自笑復自嗟勞生兩載三此役  
尙未爾若詎有涯所喜勝處吾心樂出入縱覽江山佳  
一身雖倦耳目勇地靈天籟收精華偶然寄之一哦咏  
性情摹動開奇葩安能長守塊土上身或未槁心不芽  
今朝風飄我南去脫屣妻子真如苴金陵麗哉黃嶽奧

卽從脚底窮袷袂徐生爾乎如有意交手飛去無懷家  
所悲北顧素心侶思之宛在心難遐

高皇廟 銅山

亂沙枯草夕陽中高廟神靈漢代雄當道誰呼赤帝子  
遺民若見白頭翁寧聞衣履游空境尙有枌榆長故宮  
一片殘山餘堡在寒雲不動遏歌風

廟南三里  
有高皇堡

過徐州用東坡答子由逍遙堂詩二首韻寄石君  
別來五月耗頻聞去去江南繞夢魂憶爾不須風雨夜  
此間恰好對牀存

臘梅圓藥已苞花過去黃河又捨車遙識摧輪山外客

冷廳空樹憶子嗟

徐州懷古

大彭封紀古唐都三子遺蹤城未蕪觀井更煩繩束樹  
隔牀自可藥忘爐術通斟雉諛穹帝世閱流烏久大夫  
若使斯人長不死後來魚石樂先無

右彭祖井

武原廟石退之鑿何事天興仁暴咸醉帝夢爲鶉首賜  
偃王卵自鵠蒼銜朱弓瑞得溝淮泗綠耳師來走暫碧  
著作茅溫傳不妄到今狗壘草三三

右徐廟山

竟改尼山章更縫此君速朽亦難容營生壙必三年柳  
欲殺人原一日封誰賦冷風銷爪齒頗聞石扇隱龜龍  
桓山東下滔滔水不洗從來癡絕蹤

右桓山

空雲慘澹水濺漓何處雍門琴自携逝者無聞收我淚  
先生絕藝發人悲木絲綴軫風生外狐兔蒿萊日下時  
獨立東城城一曲蒼茫豈復孟嘗知

右雍門城

淒涼瞥見馬童過叱咤餘聞鴻會多百戰天亡悲募勇  
重瞳人在媿韶和憐而我王孤舟渡奈若虞兮四面歌

戲馬臺空子弟散故都尙倚舊黃河

右戲馬臺

賈胡盜塚又何傷奇計無端初說梁末將先機漢壁上  
老臣餘骨楚都旁猴冠終送金城險虎氣長埋寶劍光  
恨絕鴻門北向望舞來只有項家莊

右亞父塚

首陽高節死無傳廉里還驚不食賢三老千人爭致詔  
一身二姓斷餘年秋涼行日高歌送楚老悲來蘭燭煎  
豈爲漢恩太守厚秀才志矢令重泉

右廉里



司徒公德閭年厭重質高風相漢炎治獄此邦波及海  
卧牀他日雪封檐齊名街列中郎庶出涕碑看常侍瞻  
崔瞻南聘至此讀其父  
峻碑流涕人以爲中郎文字蘚苔零落盡可能逸事訪  
閭閻

右袁安碑

奉先玉戟泗波吞鞍馬曹瞞且漫論一騎名傳赤兔骨  
萬夫勇戀白門魂戰原無後嗟風蔑思不求詳但誤存  
雅噪南樓堞外影更誰來說故封温

右白門

漢餘別史記英雄健者豈惟一董公人妬南陽何事臥

天教恭祖此間終遺言迎備來糜竺不獨知劉有孔融  
發刃官徐成帝蜀長淮直接大江東

右陶謙故邸

故宅臨沂徑沒蒿南徐刺史識人豪天翁早自憐祥水  
道士頻來相呂刀邦國功存別駕賴河山官政上公高  
琅邪山色飛東晉烏巷家雞總鳳毛

右別駕故署

宋公九日會名山意氣飛揚淮泗間謝客詩成祖賦妙  
沈郎書在禪文嫺茱萸酒酌香猶冽桐柏川流水不灣  
同姓季先生此地曹瞞璽帳項王關

右劉裕故里

析骸小市

門名

壓妖氛太武來登亞父墳詞令自南憑長

史邊隅安北在將軍

朱安北將軍武陵王駿長史張暢

開門別請明駝

羣賜獻酒徐看甘樵分關繫全城一動足好將頸血駐蹄

右小市門

落日猶疑動北颿憑城戰野憶臨淮雙擒取將神逾定  
一酌持杯憾不懷小變汾陽新壁壘狂奔河朔健狼豺  
天留李郭中興足不遣唐家沼館娃

右李光弼里

太尉名傳社已邱堪同劉項重茲州二兗逆搆臣抽笏  
一市軍譁吾戴頭逸事龍城柳得實苦心燕國軻相伴  
司農倒用渾無計可要豐碑御筆留

右段秀實里

故樓斜角尙城隈僕射生存府此開笑仰將軍雉帶箭  
吟成節婦鳳傾臺銷香埋劍情多少灰粉悲楊詩溯回  
誰識牡丹春後意河邊燕子任來來

右燕子樓

結韃難邀唐廟靈逆成汗浹厄初丁豹皮汝將人全節  
豚骨君身父五經氏叔愚羸萬段死歐陽巧繪六臣形

不堪史穢朱梁里，辜負長河山色青。

右梁祖故里

濤聲驛舍沸昏朝，曩哲頻爲夜雨謠。兄弟最難逢，軾轍  
河山恰好構。逍遙夢成對榻行，盤峻集意聯珠燕地超。  
飄泊彭城今視昔，慙無詩句敵韓潮。

右逍遙堂

閔子墓

望望宋墟前行行魯邦盡，高山名騫兀兀墓藏閔。臺  
荒書曬靈潭窟，龍沅蠶鼻屢剝不古蒿萊枯。已隕弟子  
未心齋祠下，聊頸引緬懷。夫子風列科德行，準雖讓好

學先已過有疾殞發言嘉有中侍坐樂不啗歡能盡水  
菽意頗輕貨賚厥親稱曰孝在衆目所診他說行紀擊  
後母遇初疾不如儀乘鳴未比索家牝挾纊僞留衣動  
色寒八鞠鞭之子情得去乎兒曷忍三單父愠解一誠  
母歸允豈惟融洩賦直使罅隙泯靚麗色戰菜樂道味  
飽筍從難飢共甘除喪琴自愍同時二冉賢私邑三桓  
尹汝水忽將行費地不停軫蘭蕙谷誰芳鶴鳴羅莫窘  
我行採符離卽此仰隱嶙

宿宿州

日斜輿影客猶征百里桃山宿宿城水繞苻離來雜會

地當房驕得州名隋隄楊柳開煬帝相廟風雷感郭卿  
寰宇記載唐永徽碑云晉武太康中相令郭卿云相山上應房心之宿能興風雨建廟刻銘曰興雲播雨稼穡  
豐湖外睢陽花遶驛向南不見一峯橫

宋共姬墓

在相山下

宋公遷相或遺基殘塚風林靜不移火色噫噫騰怪鳥  
井心冽冽坐共姬夜行待保先於燭死所甘飴自得師  
壟外戰場飛葉亂斯人非獨女宗奇

陳勝塚

一抔尙有故王名泉徹驪山兩不成劉項英雄同鵠志  
楚秦年月起狐鳴判重尤葬竿旗易似夙沙攻斬令驚

二十家還守塚置高皇自引後來生

靈壁縣

路掠靈壁界浮磬想泗濱聞縣北七十泗繞山之身厥  
石音中磬私採則泯泯得非給郊廟靈物詔聖人不以  
玩好致司之有其神頗聞宋政和良嶽搜奇珍縣貢一  
石巨二十丈嶙峋其圍亦如之舟載送汴津入都水關  
鏟千夫昇踐踐屹然山不移或言禮則馴裕陵書褒之  
六字帝手親曰慶雲萬態奇峰絕其倫以此示表異金  
帶加之紳飄然肯來苑頃刻無勞民此或有其事於理  
非常循常時浪稱說億萬嗟摧輪致此亦何用不能歷



金塵帝行別石北莫袖皺與皺黃河擁沙來埋石不見  
根良嶽迷失處可憐田啣啣乃知賤用物古戒所以陳  
何況異物貴擊石天聽真

虞姬墓

靈壁

傾國曾追百戰塵和君一曲意聊伸鼎淪水偪輸天子  
馨壘山浮碣美人驩逝歌中誰得楚桃花影外自亡秦  
安能兒女相從貴老去猶餘陷敵身

渡淮三首

淮水桐柏流崔嵬東走直到濠梁噴鍾離古城當面出  
我輿橫度凌波開楚宮舊策吳滅慮考索要假董玉杯

秦漢之際梁籍起江東部勒初歸來苻離已誅朱雞石  
彭城更上戲馬臺東歸分霸足衣錦豈意漢定三秦回  
鴻溝中分廣武語狡獪百出張良才固陵決計縛猛虎  
鐵兵信越軍臨垓楚歌四作虞兮死衝圍率彼清淮隈  
田父左給馬童面故人鬼伯相追摧天亡太息心獨愧  
喑鳴幾發雍門哀何不渡江重捲土徑南去王金陵哉  
六朝南北吹戰埃草木風鶴軍却摧此間邵陽洲在目  
輸馬建武魏乞哀蕭梁昌君奇刺史楊大眼走十萬枚  
數十戰射應弦倒敵尸薪積平城堆曹韋夜救樹鹿角  
截洲營立晨驚纜隋隄誰又築通汴取土直借阿房徒

大師且罷大役起淮流如沸仍皚皚唐餘李徐更保此  
周宗撻伐聲天雷絕流人持橐駝炬夜駭百鬼騎龍來  
書生南宋詎曉戰符離一敗胡爲哉元末真人出濠上  
紅羅下覆天生孩功成臨淮首置縣故陵倚水蜚廉埋  
我

朝太平百年久蕭鄴畫一縣幾裁山川清絕遺老盡一  
航逕渡心低徊使者採風宣德意不須弔古同文該  
我來淮水清漴漴與夫飛渡船蹋踏徑上驛亭畧小憇  
恰有向北窗橫開澹澹者水山無迹隔岸村舍斜臨隈  
樹烟自干雲脚混波痕急漩魚噴回風帆時來縱橫得

所之自任溯復洄侍行徐生初北至咤見空濶天恢恢  
蒼茫沙磧迥不類無邊秀潤平斟杯我對此景忽憶反  
魚門昨歲陳盤囂同此水上郡或異君入我出吹吸灰  
曩冬寒颺逐朔霰茲冬晴日舒鵬梅一水涼燠嗟殊候  
其奈合好離驚催請子共飲此川上聲招鴻雁歸飛哀  
辛楣精讀坐榻小均弼剛氣凌霜皚更有兼士心所愛  
韶生我主冰花胎望兮不見面沐淚思之輒舍心爲筵  
平生交素已難致何況逸代諸公才倘不我還詩和我  
以淮洗目看千迴

臨淮驛館閒眺

曉渡驛亭憇登臨此覺便天青  
三楚外波澹一牕前空  
遠低村樹平斜上水烟踰淮  
談色味霜老木奴圓

黃鸝舖

黃鳥舖江南去去不得兮  
思處處鸝司翩翩兮驛何疾我  
思奈何兮喈黃栗

黃栗留黃栗留我留不可兮  
思之愁不如鸝兮匹以飛  
踰淮渡河兮層冰峩峩思之  
思之我魂而歸兮行不得  
兮哥哥喈爾鸝兮可奈何

鳳陽雜詩

古鍾離城

荒城蕪絕邑東陲名紀昭年第四支瓊爾可當強國縣  
楚葦尹築古鍾離

焚書岡

博辨書驚載五車莊生相遇亦吞嗟一朝焚却飄金雨  
拾得知非不實華

惠子焚書於此灰化  
爲金往往有得者

逍遙臺

知樂須知可盡年逍遙臺上亦非仙風流太守淹墳籍  
已讀南華第一篇

夢蝶港

梁公臺築帶流清小港誰將夢蝶名太息勞生醒不已

我來畧欲夢初成

解帶石

田父欺遭大澤空帶留一飯去匆匆傷心此日重瞳淚  
却別虞姬投薛公

垂花塢

垂花塢裏酒傾壺清興他年屬獨狐花落竹斜風颯至  
冷然魚亦樂來無

四望亭

詞客濠州偶一經構來四望狀詩靈無端忽索昌黎闢  
撼樹此蜉短李亭

撒金街

夏絮冬冰一市歌  
今乘雲去昨繩拖  
撒金橋上通真觀  
石刻仙人藍采和

潛龍殿

小兒八歲取楊公  
想像南唐烈祖風  
龍鳳磚邊有字否  
磨掌細爲識潛宮

側照石

乾明寺老比丘尼  
二姊飄零亦大奇  
迎取恰臨側照石  
深藏床下弟應窺

乘龍洲



五代中原戰絕河周宗智勇錫天多江南驚走乘龍鬼  
淮北狂奔負炬駝

含桃園

濠守清風姓記梅含桃宴爲許公開怪他嶽廟曩宵夢  
天遣三牛同謁來

鄭向石匣

土剛含桃閣下鋤朱梁亂後藉無餘不知五代開皇紀  
猶是人間尙有書

紅心橋詞

東紅西紅村處處江南春媚紅生樹兩紅心裏紅心橋

明明此走金陵路金陵美人態天成家近紅村遠北生  
游龍飛骨前生夢驚鶴思雲隔路情天各地實魂來選  
盼到紅心意索莫霜飛飛白葉隕黃無術尋來紅一萼  
不見桃花見桂叢細藥丹初亦小紅二更徙倚月絃上  
飄來心死香空空

包公判臺

山礪潺潺注不波故碑北宋已銷磨獄成虎判臺空在  
笑比河清人或訛猶有澗繁昭孝肅更無關節到閻羅  
廢城一帶紅蕖映情較梅花賦又多濠梁志度定遠城  
塚引北山礪水注

之歲種芙蓉渠夏秋紅碧  
交映遊觀相屬也

由定遠上岱山舖宿滁之大柳樹驛

大橫山界縣東南茲山正南亦其尾妄名以岱擬東嶽  
撼山之宗笑爾螳童草荒頂積潦蕨無一掬况復豈  
今秋五閏月不雨著足囂塵扇長颺環滁皆山南人矜  
此居北方亦太菲上上十里古禪林興屬磨沙夫自啼  
禪林傍墩曰仙居石不解觸雲變蠶下哉聊舍大柳樹  
樹忽飄零人去偉五代用武藝祖來擒將滁門摧巨虺  
水何清清山徒高歐陽之談吁優侑於今平世客偶過  
驛館几陳滑書槩寒風一之日感發深夜逼人賦山鬼  
此間且苦旱無衣歲何以卒腓百卉去險卽平境別殊

人子我餘得又幾館雖不張幕與帷吾能飲乎醉樂豈

清流關

亂山入滁去有關名清流上上到其巔江北險扼喉惟  
山有廟祀曰漢壽亭侯肅拜起周望疊嶂遮雙眸河淮  
迷故處不見來塗修但餘青石盤滑足升輿愁摩挲讀  
故碑焦竑書字適其餘明碑四髣髴貂璫鏤太監作織  
造金錢多不收來鑿山間石媚神欲何謀我讀歐陽記  
帑藏五季浮實儀定其藉一絹將不抽又聞蘆子吼奇  
擊計出周更遣宋祖將暉鳳擒毛輶蕭條東門道遺迹  
誰咨諏惟餘皇甫亭浴甲金甕螯土人了莫知關山聒

不休典祀闕藝廟戰功空此留石砌山牡丹伺春葩玉  
樓豔豔人不采自拆孤巖幽功業與名聲適然非可求  
嵯峨山壯哉請名告斯州悲風捲土來悼古高峰頭那  
卽山下去怪石捫羊牛

滁州懷古

往昔廬陵守此州頽然髮未白翁頭直詞厯詆無高訥  
古學先推有穆修百歲見聞稀父老一時賓客總風流  
携琴還共沈夫子絳底泠泠泉韻幽

清流關上日西沈亭子緣慳他度尋舊本韓公接大手  
窮詩梅老愜澄心環滁山水人情醉成尹春秋史法深

鑑冶會王蘇鼎峙更誰伐木嗣遺音

右歐陽公

忽傳天上謫來南喜共諸方文士談別郡竹樓小畜臚  
故人馬價太宗諳統軍池感孟家鑿庶子泉輪唐手探

莫咤鉢腥僧不畏無機公已悟同龕

公明月溪詩惜哉  
幽勝事盡落唐賢

手白龍泉詩老僧來洗鉢不畏白龍  
腥郡齋書懷詩官路無機卽是禪

右王元之

哦水吟山吾自爲五言不待守滁竒佛因後悟張文定  
詩妙先傳韋左司柳種西濱息鉅後鷗鳴野渡少人時  
山僧若欲叅名句掃地焚香自在思

右韋左司

晉碑沈滅李書工筆外人驚險勢風大篆誰當解摛法  
小生直欲接斯翁洪荒鳥爪偶遺跡霖潦屋痕非鑿空  
請乞泉流淨洗眼校完始一亥還終

右李陽冰

邊事濰州謀獨深偶然作守亦遺音漫吟西礪詩人韻  
須識東齋宰相心集行會昌堪挂厦樓懷嵩洛感烹鸞  
香山樂府佳須讀莫向周秦記內尋

右李文饒

臨江樓步嵩宗伯師韻

放眼江流空復空源頭難說導岷窮一樓景抱金陵氣  
數點帆過玉壘中結構偶因地勝最登臨幾送客顏紅  
忽驚座主留題歲麟木余猶未對終

師留詩在癸亥余  
年十五越十年癸

西鄉舉始  
及師門

茫然輒喜谷非空壁上詩工不必窮名跡山仍看晉表

鉅公賦或侍唐中

漢官唐中在太液池前以題壁前輩  
若雙公慶觀公保良公誠盡出詞臣

也

頻臨長壑瀟漫碧莫枉諸生勒帛紅回首那堪天北

望岫雲出處古無終

### 送戴漁卿

欲雪天猶風歸客不可止跡斷古亭堦人背大江水同



出都一月半月又同此合頃惜難離淡交知易旨子行  
親可侍我來會亦邇不圖明當發夜燭跋見累言一何  
深深惟覺讀書是況子兄我欽知其意可喜諸流列班  
志精一妙有理古人離索久相見笑相視春來遊黃山  
握手長松裏

太白樓懷古次東井韻

不聞江水去猶還浪泊樓前幾歲年人世高堂懸白髮  
公歌險道上青天悲乎有作吾陳雅逝者如斯誰學仙  
夜月斟杯相送死一生知己眼花眠

謫仙遊戲總無妨一曲烏栖不可忘鴻雪微痕留采石

月花空想失沈香英雄畧識收京將供奉聊從伴宿那  
忽埽落紅東向去蘭陵醉人古丹陽

罷道望望別樓雲自有文章光燄聞鼎立韓公與杜老  
敵無開府又叅軍一朝古墓偶然醉萬里長江絕似君  
此地從茲屬太白笑他厠鬼要平分

三杯歌徧六朝基澹蕩偏同王賦詩瘴癘莫教成世殺  
縱橫自喜可天支一毫比杜鵑流落二女悲邕不慙遺  
姑孰空亭樓對望騎鯨天外渺予思

使院之東爲太白清風亭故址再疊東井韻四首  
虛亭不見酒人還誰共宗之美少年唐賜袍新空照水

秦官樹老尙叅天送江入海遊非宦玩月乘風飲是仙  
樓白山青渾欲醉從君且去我來眠

女入宮原相妬妨聲聲飛燕恨難忘吳筠友喜冠彈炭  
高福兒慙鞞脫香幾斗呼來頻入市一湖歸去偶名郎  
誰教飄泊江河死興聖王孫出晉陽

青青山色白遮雲驚句携來天或聞麓壑卒遷傳正使  
獄囚重釋若思軍嵐容長好連宣郡詩骨同埋瘦賈君  
身後身前名較酒拈鬚畧上雪三分

韋娘禍定禪隆基亭子須臾欲得詩轉宿驚傳河北羽  
調羹記進海南支當年采石長庚度此日清風姑孰遺

小擬誅茅觀復舊生來便作謫仙思

古檜行和洪稚存

老檜閱人不數百一千餘年誰所植清風亭地府子城  
李白生時此立特想其枝葉初覆亭陽出青光陰入黑  
月上影穿太古雲雷飛身倚高風客態學螭龍枯挂丈  
逆換滄桑圍益尺苔絲半面受綠漬腹竅中通容照逼  
入腸萬怪烏測知折折迴看自然直我初一至百走觀  
頭項酸辛目爲澁繞之徒倚四放眸青白諸山望可極  
大司馬袍解石間樹猶如此幾節擊元暉山又李賈埋  
次第都看是松柏今茲小旱爾小枯亦覺精神夜來雪

乃知長短與欣戚，惚似鳴來向鳳嚇。小亭若復合樹根，斯言猶可書之石。

懷裘樓雪用禁體和邵二雲韻

輶言甫次星辰歌，忽迫映金烏。肯閉籠鐵驪，想開鑄冥  
鯤。暝互暝天驥，賜奔渴新畬。晞息鋪來牟，際涸轍雨態。  
愁旱甚寒病，象火結南卑。濕欲塵冬空，虛不泄暄疑。恒  
竈煬沈恐，矢泉瀉泉脚。濶難呵凌陰，乾欲裂峨峨。層莫  
鑿坎坎來，誰操元冥何。怯縮蜚廉太，影擊止嶺犬。聲巧  
爲田蝗計，譎竊嗟谷中。歎烏得飯流，映忽告庭雀。啾漸  
聽塔鶻，僊盤盤雲欲。同蕩蕩眼生，纈何處藍道斷。初聞

郢曲闕有意畫沒骨無聲樂中節寂寞似罷休飄蕭忽  
間迭大掀鱷鱷浪小葢虬蜉垤林林忘雜出山山指高  
列失影面面晃徒搏空空秘迷濛一塔盭西南半樹缺

是日風從  
艮方來

妥凝繩下蕤塗滅層飛轍綠竿竹髮衰紅腹

鴛脰咽葉黃隕壓颺石鳥測失臬六表豁銷鎔五色難  
撻抉茫茫野孰分霖霖夜未絕卜知黍稌豐賦共芣苢  
頽仙喬化爪鏤隱孟策蹇刷李入勇實票游立仁近覽  
圓上半團圞方下分眇暇地繪事厥先天質本自澈殊  
遭思紛紛同候體冽冽覺想僧團蒲寒懸女綽楔遠客  
夢息漏清謳行亂綴萬片轉淒迷一落幾曲折室深放

簾押酒煖立茅蕙遐邇籟希夷淺深路蹉跌席蹴妙靡  
爭窻闌喜出穴景佳得性情氣和斷祆蠶咸得一物所  
斯求諸心悅我題采石勝尙溯青蓮烈清興子猷發長  
律退之設歐公禁體冷蘇老犯劫熱清虛堂兩犯白  
字在所禁例內今  
胡索火攻險絕如電掣敵于擊刁行清要見底徹豈惟  
歌詩娛頌我邦家飶

桓温墓次黃仲則韻

偶然尺蠖屈看伸遺臭流芳未必均前輩竟難強婢似  
丈夫止合作王真初因庾翼殊常媚漸覺王敦是可人  
兒日啼聲英物見由來天性早難馴

威赫無端拜謝公  
宣王孫帝意匆匆  
沙行蛇勢頻窺陣  
石眼蝟鬚累立功  
十八枕戈讐得早  
一千噉豆客從同  
神州責任王夷甫  
感爾攀條樹樹風

樹猶如此我何任  
功罪休論悲自深  
太極殿屯膳帝寢  
比邱尼浴剖公心  
枋頭歸罪慙烏渡  
車軸成謠化鄧林  
九錫緩加九命賜  
幾希王謝血污襟

姑熟京師去又還  
天教風患中顏顏  
高平拜罷涓魂短  
宣武稱尊桓族殷  
餘恨秘書論楚廟  
昔聞左纛輓青山  
淒涼白紵傳袍跡  
山有桓溫  
推袍石未勝君家石柳間

除夕



四十三爲客裏思今年畧覺與年辭鄉情樂酒酣燕市  
宦况清風冷晉祠一歲逼除均五夜四人惜別恰三岐  
相看行路皆兄弟今夕心驚雪霰詩

薰歲松煙繞燭明故園夜語逼簷楹  
覓梨可想陶通子  
剖禮難期盧學生  
此刻公然一百放  
來朝將次十三成  
掛懷吾豈真能達  
屢照何人太不情

問字清醪載歲終  
椒花人散薄醪紅  
竹牕履響三更絕  
梅益茵圍一座空  
思在櫻桃喧巷外  
書遲椿樹墮枝中  
今宵目病成彈淚  
不寐爲憐官燭風

爆竹聲中裂暮光  
華燈照座此登堂  
致佳賓客宵常澈

絕勝江山歲可忘酒數黃香懷果醉更闌吳質不眠長  
胥石是夕獨見思鄉之色故云遠遊今夕誰無思莫放平斟手上觴

蜀河詩集卷八終